

Handwritten signature/initials at the top left corner.

სსიპ საქართველოს ტექნიკური უნივერსიტეტი

საქართველოს ტექნიკურ უნივერსიტეტთან არსებული
სასწავლო - სამეცნიერო ცენტრი

“ტექნიკური ექსპერტიზა და უსაფრთხოება მშენებლობაში”



დ ე ბ უ ლ ე ბ ა

Handwritten signature or initials on the right side.

Handwritten text: ე. ბ. უ. ლ. 4.06.2010.

მიღებულია საქართველოს ტექნიკური უნივერსიტეტის აკადემიური საბჭოს მიერ 2010 წლის 21 იანვარს № 271 დადგენილებით და დამტკიცებულია წარმომადგენლობითი საბჭოს მიერ 2010 წლის 23 იანვარს № 48 გადაწყვეტილებით.



თბილისი

2010 წ

Handwritten signature or mark at the bottom left.

Handwritten signature or initials at the bottom right.

1. ზოგადი დებულებები:

1.1 საქართველოს ტექნიკური უნივერსიტეტში (შემდგომში - სტუ) თვითდაფინანსებაში მყოფი სასწავლო-სამეცნიერო ცენტრი "ტექნიკური ექსპერტიზა და უსაფრთხოება მშენებლობაში" შექმნილია და დამტკიცებულია სტუ-ს აკადემიური საბჭოს 2016 წლის 21 ივნისის №271 დადგენილებით და წარმომადგენლობითი საბჭოს 2010 წლის 23 ივნისის №48 გადაწყვეტილებით. ცენტრი არის სტუ-სთან ფინანსურად დამოუკიდებელი სასწავლო - სამეცნიერო ერთეული;

1.2 ცენტრი თავის საქმიანობას წარმართავს საქართველოს კონსტიტუციის, "უმაღლესი განათლების შესახებ" საქართველოს კანონის, სტუ-ს წესდების, წინამდებარე დებულებასა და საქართველოში მოქმედი კანონმდებლობის შესაბამისად;

1.1 ცენტრი მოქმედებს თვითდაფინანსების პრინციპით, იგი შუამდგომლობს უნივერსიტეტის წინაშე შეკვეთებისა და შესაბამის ხელშეკრულების გაფორმების მიზნით, მისი დებულებით გათვალისწინებული სამუშაოების შესასრულებლად;

1.2 საჭიროების შემთხვევაში, ცენტრი შუამდგომლობს უნივერსიტეტის წინაშე, როგორც საქართველოს, აგრეთვე სხვა სპეციალისტების მოწვევასა და მათთან სათანადო შრომითი ხელშეკრულების გაფორმების თაობაზე;

1.3 რექტორის, შესაბამისი დარგის რექტორის მოადგილის, აკადემიური საბჭოს მოთხოვნით შეიძლება ჩატარდეს ცენტრის ანგარიშის რიგგარეშე განხილვა.

2. ცენტრის საქმიანობის მიზნები და ძირითადი მიმართულებები:

2.1 შენობა-ნაგებობათა ტექნიკური მდგომარეობის კვლევა და ტექნიკური ექსპერტიზა;

2.2 სამშენებლო პროექტების ექსპერტიზა;

2.3 შენობა-ნაგებობის პროექტირება და რეკონსტრუქცია;

2.4 საავტორო და ტექნიკური ზედამხედველობა მშენებლობაში;

2.5 ყველა ის საქმიანობა, რაც დაშვებულია და არ არის აკრძალული საქართველოს კანონმდებლობით.

3. შემაღენლობა და მართვა

3.1 ცენტრის ძირითადი შემაღენლობის ნაწილს წარმოადგენს :

1. სამოქალაქო და სამრეწველო შენობების პროექტირება;
2. შენობა-ნაგებობათა ტექნიკური მდგომარეობის კვლევა და ტექნიკური ექსპერტიზა;
3. მშენებლობაში საავტორო და ტექნიკური ზედამხედველობა.

3.2 ცენტრს ხელმძღვანელობს უფროსი, რომელსაც ნიშნავს უნივერსიტეტის რექტორი;

ცენტრის უფროსის თანამდებობა არ წარმოადგენს უნივერსიტეტის ადმინისტრაციულ თანამდებობას.

3.3 ცენტრის უფროსი უფლებამოსილია:

- ა) განახორციელოს კონტროლი ცენტრის თანამშრომლების მიერ მათზე განპირობებული სამუშაოს დროული და სრული მოცულობით შესრულებას, შრომის ანაზღაურებასა და სხვა ადმინისტრაციულ ღონისძიებებზე;
- ბ) მოაწყოს ცენტრის სამეცნიერო შრომების განხორციელებული/მიმდინარე პროექტების, გამოშვებული/შედგენილი სახელმძღვანელოების, ახალი სამუშაოების და ა.შ. პრეზენტაციები;
- გ) განახორციელოს ცენტრის ეფექტიან მართვასა და ფუნქციონირებასთან დაკავშირებული სხვა აუცილებელი საქმიანობა;
- დ) მომაზადოს ხელშეკრულების პროექტები და გადაფორმებლად წარუდგინოს სტუ-ს რექტორს;

3.4 ცენტრის უფროსს, საკუთარი კომპეტენციის ფარგლებში. ენიჭება პასუხისმგებლობა სამეცნიერო სამუშაოებისა და საგანმანათლებლო საქმიანობის მოცულობის, მიმართულებების, შესრულების ვადების, შინაარსისა ხასიათის განსაზღვრისთვის, აგრეთვე ცენტრის სარგებლობის უფლებით გადაცემული უნივერსიტეტის ქონების მიზნობრივად გამოყენების, შენახვისა და გამართულ მდგომარეობაში შენარჩუნებისთვის;

3.5 ცენტრის პერსონალი შედგება სამეცნიერო, სასწავლო და დამხმარე პერსონალისაგან;

3.6 ცენტრის პერსონალს ნიშნავს და სამუშაოდან ათავისუფლებს უნივერსიტეტის რექტორი ცენტრის უფროსის წარდგინების საფუძველზე;

3.7 ცენტრის პერსონალის შრომითი ანაზღაურება განისაზღვრება ცენტრის შემოსავლების მიხედვით;

3.8 იურიდიულ და ფიზიკურ პირებთან ხელშეკრულების გაფორმება ხორციელდება უნივერსიტეტში მიღებული წესისა და ფორმების შესაბამისად;

3.9 ცენტრის ხელმძღვანელი ყოველი საფინანსო წლის ბოლო ანგარიშს აბარებს სტუ-ს ბუღალტერიას, აკადემიურ და წარმომადგენლობით საბჭოებს.

4. ცენტრის ქონება, დაფინანსება და დაფინანსების წყაროები

4.1 ცენტრი განლაგებულია: უნივერსიტეტის I კორპუსში;

4.2 ცენტრი საქმიანობას წარმართავს თვითდაფინანსების პრინციპით.

ცენტრის საქართველოს ტექნიკურ უნივერსიტეტთან ფინანსურ ურთიერთობის რეგულირების პოლიტიკას (წესს) განსაზღვრავს აკადემიური საბჭო და ამტკიცებს წარმომადგენლობითი საბჭო, რომლის საფუძველზეც საგეგმო-საფინანსო განყოფილება ეწევა ფინანსურ მენეჯმენტს;

4.3 სამუშაოების წარმოების საფუძველს წარმოადგენს ცენტრის უფროსის წარდგინების საფუძველზე დამკვეთსა (შემსრულებელსა) და უნივერსიტეტს შორის დადებული ხელშეკრულება;

4.4 გაწეული სამუშაოს ანაზღაურება წარმოებს ხელშეკრულების საფუძველზე;

4.5 ფინანსური და საბუღალტრო ანგარიშგების ფორმები, ხელშეკრულებები, სამუშაოს მიღება-ჩაბარების აქტები და მისთ., რეგულირდება სტუ-ს შიდა ადმინისტრაციული აქტებით.

5. ცენტრის რეორგანიზაცია და ლიკვიდაცია

5.1 ცენტრის რეორგანიზაცია და ლიკვიდაცია ხორციელდება სტუ-ს შესაბამისი ადმინისტრაციული აქტებით დადგენილი წესის შესაბამისად.

6. დებულებაში ცვლილებებისა და დამატების შეტანა

6.1 დებულებაში ცვლილებებსა და დამატებებს შეიმუშავებს ცენტრის უფროსი, რასაც განიხილავს უნივერსიტეტის აკადემიური საბჭო და ამტკიცებს უნივერსიტეტის წარმომადგენლობითი საბჭო.

7. დასკვნითი დებულებები

7.1 წინამდებარე დებულება ძალაში შედის უნივერსიტეტის წარმომადგენლობითი საბჭოს მიერ დამტკიცებისთანავე.